

Շոգովուրդ

166
(2832)

22 նոյեմբերի չորեքշաբթի 2023
տպագրության ԺԲ տարի

Է. Երեւան, Արմավյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՄԻԱՅՆ ԲՈՑԱՇՈՒՆՉ ԵԼՈՒՅԹՆԵՐ




44-օրյա պատերազմի հանգամանքները քննող ԱԺ հանձնաժողովը, թերևս, իր ուրույն տեղն է գբաղեցնում խորհրդարանական մյուս անօգուտ ու ձեւական բնույթ կրող հանձնաժողովների շարքում: Հիշեցնենք, որ հանձնաժողովը ստեղծվել էր 2022թ.-ի փետրվարի 10-ին՝ ՔՊ-ի նախաձեռնությամբ: Թերևս հանձնաժողովը կոչված էր ուսումնասիրելու 44-օրյա պատերազմի հանգամանքները, սակայն մինչ օրս, բացի Անդրանիկ Քոչարյանի բոցաշունչ ու աղմկահարույց հայտարարություններից, ելույթներից, նրա ղեկավարած հանձնաժողովը ոչ մի ուշագրավ բացահայտում չի արել: Ընդ որում ուշագրավ է, որ պատերազմի հանգամանքների քննություն իրականացնում են այն իշխանությունները եւ նրա արբանյակ քաղաքական ուժերի ներկայացուցիչները, որոնք չեն կարող որեւէ դեպքում Նիկոլ Փաշինյանին՝ որպէս գերագույն գլխավոր հրամանատարի մեղադրել: Ընդդիմադիր ուժերը հրաժարվել են մասնակցել հանձնաժողովի աշխատանքներին: Ըստ «ԱԺ կանոնակարգ» օրենքի 20-րդ հոդվածի՝ Քննիչ հանձնաժողովի լիազորությունների ժամկետը վեց ամիս է, որը կարող է երկու անգամ հանձնաժողովի առաջարկությամբ, Ազգային ժողովի որոշմամբ երկարաձգվել մինչև վեցական ամսով: Այս հանձնաժողովի գործունեությունն արդեն երկու անգամ երկարացվել է՝ 2022թ.-ի հոկտեմբերին 5-ին եւ 2023թ. մայիսի 3-ին. հանձնաժողովի գործունեությունն արդեն երկրորդ անգամ է 6 ամսով երկարաձգվել, այսինքն՝ այն այլևս չի կարող երկարաձգվել: «Հայաստան» խմբակցության քարտուղար Արծվիկ Մինասյանն օրերս ԱԺ ամբիոնից հայտարարեց, որ Անդրանիկ Քոչարյանի ղեկավարած քննիչ հանձնաժողովն ապօրինի է գործում, քանի որ դրա լիազորությունները օգոստոսի 11-ից ավարտվում են. չնայած սրան՝ Անդրանիկ Քոչարյանը մտադիր է մինչև դեկտեմբեր երկարաձգել հանձնաժողովի գործունեության ժամկետը: Անդրանիկ Քոչարյանը, ի պատասխան Արծվիկ Մինասյանի հայտարարություններին, գրություն-պարզաբանում է ներկայացրել պատգամավորին, թե 2022թ.-ի եւ 2023թ.-ի ամռանը պատգամավորներն արձակուրդում են եղել, ուստի հանձնաժողովի գործունեությունը պետք է երկարացվի մինչև դեկտեմբեր, փաստացի՝ արդեն երկրորդ անգամ, ինչն օրենքի խախտում է, եւ ԱԺ նախագահ Ալեն Սիմոնյանը դրա իրավունքը չունի: Այն, որ այս պահին գործում է այդ հանձնաժողովը, արդեն ԱԺ նախագահ Ալեն Սիմոնյանի բացթողումն է, քանի որ նա օրենքով պարտավոր է ԱԺ բնականոն գործունեությունը ապահովել, սակայն չի կարողանում: Ի դեպ, այս իշխանությունների օրոք՝ 2019թ.-ին, եւս մեկ հանձնաժողով էր ստեղծվել՝ 2016 թվականի ապրիլին ծավալված ռազմական գործողությունների հանգամանքները ուսումնասիրելու նպատակով, որը եւս այդպէս էլ ընդամենը ձեւական բնույթ էր կրում եւ իրականում որեւէ բացահայտում չարեց:

Երեւանի քաղաքապետարանը հերթական խոստումներն է տալիս եւ ներկայացրել է Երեւանի քաղաքապետարանի զարգացման ծրագիրը՝ 2024 թվականի համար: Օրինակ՝ տրանսպորտի ոլորտում 2024 թվականին նախատեսվում է իրականացնել Երեւանի հասարակական տրանսպորտի նոր երթուղային ցանցի եւ միասնական տոմսային համակարգի ներդրման գործընթաց, հասարակական տրանսպորտի կանգառների կահավորում, մետրոպոլիտենի վագոնների արդիականացում, նոր ավտոբուսների կամ էլեկտրոբուսների ձեռք բերում (18 մետր 249 հատ եւ 8.5 մետր երկարությամբ 171 հատ), նոր տրոլեյբուսների (71 հատ) ձեռք բերում: Կոմունալ տնտեսության ոլորտում նախատեսվում է իրականացնել Երեւան քաղաքի բազմաբնակարան շենքերի թվով 600 վերելակների փոխարինում, բազմաբնակարան շենքերի հարթ եւ թեք տանիքների վերանորոգում, բազմաբնակարան շենքերի մուտքերի վերանորոգում: Արտաքին լուսավորության ոլորտում նախատեսվում է իրականացնել Երեւան քաղաքի արտաքին լուսավորության ցանցի ընթացիկ շահագործման, պահպանման եւ արդիականացման աշխատանքներ, «Երեւանի քաղաքային լուսավորություն» ծրագրի շրջանակում Երեւան քաղաքի 28 փողոցների արտաքին լուսավորության ցանցի արդիականացում: Բնապահպանության ոլորտում նախատեսվում է իրականացնել Կենդանաբանական այգու ընդլայնում: Ի հարկե, այս ոլորտներում խոստումներ շատ ենք լսել, մնում է՝ դրանք իրականություն դառնան:



Ազգային ժողովի «Քաղաքացիական պայմանագիր» խմբակցության պատգամավոր Սարգիս Խանդանյանը քաղաքական դաշտ է եկել հեղափոխությունից հետո: Ինչպես ներկայիս իշխանությունների մեծ մասը, այդպէս էլ Խանդանյանը նախկին լրագրող է: Նա 2022 թվականի գույքի եւ եկամուտների մասին հրապարակային կոչերը, բռնությունը հրապարակայնորեն արդարացնելը կամ քարոզելը, ինչպէս նաեւ այդ նպատակով նյութեր կամ առարկաներ տարածելը: Արմուր.am-ը գրել էր, որ Արցախի նախկին նախագահ Արայիկ Հարությունյանի անվտանգության եւ տարիանվածների հարցերով ներկայացուցիչ, Հարությունյանի պաշտպանական շրջանի առաջին գումարտակի հրամանատար Վահան Բաղասյանին հրավիրել են ՀՀ քննչական կոմիտե՝ հարցաքննության: Տեղեկությունը փորձեցինք պարզել նրա պաշտպան Ռաֆայել Մարտիրոսյանից, որը հաստատեց տեղեկությունը: Իսկ թե ինչ քրեական գործով են Բաղասյանին կանչել հարցաքննության, պաշտպան Մարտիրոսյանը չցանկացավ մանրամասնել: Մեզ հայտնի դարձավ, որ նա իր սոցիալական էջում հրապարակային խոսք է գրել, որը, ըստ իրավապահների, բռնության կոչ է, իսկ թե կոնկրետ որ գրառման համար են նրան տարել հարցաքննության, առաջիմ չկարողացանք պարզել:



«Ժողովուրդ» օրաթերթին մանրամասներ են հայտնի դարձել, թե ինչ քրեական վարույթի շրջանակներում են Արցախի նախկին նախագահ Արայիկ Հարությունյանի անվտանգության եւ տարիանվածների հարցերով ներկայացուցիչ Վահան Բաղասյանին կանչել ՀՀ քննչական կոմիտե՝ հարցաքննության: Մեզ հասած տեղեկությունների համաձայն՝ նրան հարցաքննել են ՀՀ քրեական օրենսգրքի 330 հոդվածի շրջանակներում (Բռնություն գործադրելու հրապարակային կոչերը, բռնությունը հրապարակայնորեն արդարացնելը կամ քարոզելը, ինչպէս նաեւ այդ նպատակով նյութեր կամ առարկաներ տարածելը): Արմուր.am-ը գրել էր, որ Արցախի նախկին նախագահ Արայիկ Հարությունյանի անվտանգության եւ տարիանվածների հարցերով ներկայացուցիչ, Հարությունյանի պաշտպանական շրջանի առաջին գումարտակի հրամանատար Վահան Բաղասյանին հրավիրել են ՀՀ քննչական կոմիտե՝ հարցաքննության: Տեղեկությունը փորձեցինք պարզել նրա պաշտպան Ռաֆայել Մարտիրոսյանից, որը հաստատեց տեղեկությունը: Իսկ թե ինչ քրեական գործով են Բաղասյանին կանչել հարցաքննության, պաշտպան Մարտիրոսյանը չցանկացավ մանրամասնել: Մեզ հայտնի դարձավ, որ նա իր սոցիալական էջում հրապարակային խոսք է գրել, որը, ըստ իրավապահների, բռնության կոչ է, իսկ թե կոնկրետ որ գրառման համար են նրան տարել հարցաքննության, առաջիմ չկարողացանք պարզել:



ԶՐՈՒՅՑ

ԻՆՉՈՒՒՄ ԱՆՆԻՄԱՆԸ ՎԱՅՐ ԴԻԵՑ

Երեւանի ավագանու «Մայր Հայաստան» խմբակցության ղեկավար Մանուկ Սուրբաբայանի հետ գրուցել ենք Անդրանիկ Թեւանյանի մանդատը վայր դնելու, իրենց առաջիկա անելիքների եւ Նիկոլ Փաշինյանի երբեմնի գաղափարակիցը լինելու մասին:

-Պարոն Սուրբաբայան, օրերս Անդրանիկ Թեւանյանը հայտարարեց, որ վայր է դնում ավագանու անդամի մանդատը, եւ խմբակցությունը Դուք եք ղեկավարելու: Ընտրություններից առաջ պարոն Թեւանյանը հայտարարում էր, որ գնում է ամբողջական իշխանական համակարգի փոփոխության օրակարգով, հանրահավաքներ էր հրավիրում, քաղաքացիներին հրավիրում էր, որպեսզի լինեն իշխանափոխության օրակարգում, սակայն վայր դրեց մանդատը: Ինչո՞վ էր պայմանավորված այս որոշումը: Եթե իսկապես նպատակը իշխանափոխությունն էր, ինչո՞ւ հետ կանգնեց:

-Ելե՞ք չմոռանանք, որ դրանից առաջ Անդրանիկ Թեւանյանը հրաժարվել էր Լաւրա Ազգային ժողովի պատգամավորի մանդատից, եւ Ձեր ասածը իրականության հետ աղերս կունենար, եթե պատգամավորի մանդատից հրաժարվելով, ամբողջական իշխանափոխություն պահանջելով՝ ընտրություններին մասնակցելուց հետո Անդրանիկ Թեւանյանը գնար եւ դառնար ավագանի եւ սկսեր ավագանու իր գործունեությունը, այսինքն՝ իր կողքին՝ ամբողջական իշխանափոխության, քվեի տեսքով արձագանքեցին ավելի քան երեսուհինգ հազար երեւանցիներ, ինչը պատկառելի թիվ է, բայց, արի ու տես, որ քվեների այդ թիվը բավական չէր ամբողջական իշխանափոխություն իրականացնելու համար: Հիմա այդ մանդատը, որ տրվել էր «Մայր Հայաստան» դաշինքին, չի կարելի



թողնել բախտի քմահաճույքին: Ամբողջական իշխանափոխության օրակարգը ավելի քան արդիական է «Մայր Հայաստան»-ի օրակարգում, որի վառ դրսևորումն էր մի քանի օր առաջ Շենգավիթում «Մայր Հայաստան» շարժման գրասենյակի բացումը: Դա հակառակ է մեր քաղաքական մշակույթին. բոլորը ընտրություններից առաջ են բացում, մենք՝ ընտրություններից հետո: Նպատակ ունենք առաջին մեկ-երկու գրասենյակների հաջողելու դեպքում արդեն ամբողջ Երեւանով, հետագայում արդեն ամբողջ Հայաստանով ծածկույթ ապահովել: Հետեւաբար, այն, ինչը որ հռչակվել է, ընտրության արդյունքներով չէ, որ պետք է պայմանավորել: Ընտրություններում մեր ցույց տված արդյունքները ցույց տվեցին, որ կա այդ հան-

րային պահանջը, եւ, այո՛, իշխանությունը իր արբանյակ ուժի հետ չկարողացավ 50+1 ձայն հավաքել: Սա մագից կախված քաղաքային իշխանություն է, ինչպես նաեւ փնթիությունը, որը դրսևորվեց երդմանակալության արարողությունը կազմակերպելու ժամանակ: Ե՛ւ՛ Մարության Հայկի, ե՛ւ՛ Սարգսյան Հրաչի երդմանակալության արարողության ժամանակ վարողը հայտնեց, որ ներկա է ավագանի, նիստը իրավագոր է... Այս պարագայում նման բան չկար: Մենք մտել ենք դատարան եւ լիազորվեցինք, որ դատարանը անաչառ կգտնվի հատկապես, որ մենք թափնում նախադեպ ունենք, հետեւաբար պետք է պարտադրի նորից ավագանու նիստ գումարել:

Զրուցեց ՔՐԻՍՏԻՆԱ ՍՈՒԵՆՅԱՆԸ

ՔՆՆԱՐԿԵԼ ԵՆ ՆԱԽԱԳԻԾԸ

ArmLur.am-ը գրել էր, որ ՔՊ-ականները եւ առողջապահության նախարար Անահիտ Ավանեսյանը երեկ փակ քննարկում են ունեցել: «Ժողովուրդ» օրաթերթը տեղեկացավ, որ իշխանական պատգամավորները եւ նախարարը քննարկել են «Առողջապահության համապարփակ ապահովագրության մասին» օրենքի նախագիծը, որի վերաբերյալ առաջիկայում հանրային լսումներ կիրականացվեն, եւ այն կմտնի ԱԺ նիստերի օրակարգ: Մեր տեղեկություններով՝ Ավանեսյանի եւ ՔՊ-ականների քննարկումը բավականին ջերմ ու գործնական մթնոլորտում է անցել: Անահիտ Ավանեսյանը ներկայացրել է իր գլխավորած նախարարության հեղինակած նախագիծը, այնուհետեւ պատասխանել է պատգամավորների հարցերին, որոնք հիմնականում դրական կարծիքներ են հնչեցրել նախագծի մասին: Այսպիսով, կարող ենք արձանագրել, որ Անահիտ Ավանեսյանի կուսակցական ակտիվությունն իր արդյունքը տվել է:

ՄԱՆԴԱՏՆԵՐԸ ՓՈԽԱՆՑՎԵՑԻՆ

Երեւանի ավագանու մի շարք անդամների լիազորությունները վաղաժամ դադարեցվել են, նրանց մանդատները կհանձնվեն ցուցակով հաջորդ թեկնածուներին: «Ժողովուրդ» օրաթերթի հաղորդմամբ՝ այս մասին Երեւանի ավագանու 1-ին նստաշրջանի 2-րդ նիստի ժամանակ հայտնեց քաղաքապետ Տիգրան Ավինյանը՝ նշելով, որ ավագանու անդամի լիազորությունները վաղաժամ կետ դադարեցնելու մասին դիմումներ են ներկայացրել «Քաղաքացիական պայմանագիր» կուսակցության Երեւան քաղաքի ընտրական ցուցակով ընտրված Երեւան քաղաքի ավագանու անդամ Լեւոն Յովհաննիսյանը, «Հանրապետություն» կուսակցության Երեւան քաղաքի ընտրական ցուցակով ընտրված՝ Երեւան քաղաքի ավագանու անդամներ Ռոմիկ Մխիթարյանը եւ Տիգրան Տեր-Մարգարյանը, «Մայր Հայաստան» կուսակցությունների դաշինքի Երեւան քաղաքի ընտրական ցուցակով ընտրված՝ Երեւան քաղաքի ավագանու անդամներ Թաթուլ Պետրոսյանը եւ Անդրանիկ Թեւանյանը:

ԱՆՅՈՒԴԱՐՁ

ՈՒՇԱԳՐՈՒԹՅՈՒՆ Է ՀՐԱՎԻՐԵԼ

Աժ մարդու իրավունքների պաշտպանության եւ հանրային հարցերի մշտական հանձնաժողովի՝ ապօրինաբար լիազորությունները դադարեցված նախագահ, ակուսակցական պատգամավոր Թադևոսի Թովմասյանը ֆեյսբուքյան իր էջում գրում է. «Որպես Հայաստան-Բելգիա բարեկամական խմբի անդամ մի խումբ պատգամավորների հետ հանդիպում ունեցա Հայաստանում գտնվող Բելգիա-Հայաստան բարեկամական խմբի անդամների հետ՝ Մարկ Դեմետեկերի գլխավորությամբ:

Բելգիացի իմ գործընկերների ուշադրությունը հրավիրեցի հայկական երկրորդ հանրապետության ցավալի կորստից հետո բռնի տեղահանված 120000 արցախահայության խնդիրներին, Հայաստանի անվտանգային մարտահրավերներին:

Ընդգծեցի, որ մինչ մեր հայրենակիցները միջազգային ամուր երաշխիքների առկայության պայմաններում կվերադառնան Արցախ, խնդիր կա պահպանելու հայկական պատմամշակութային հուշարձանները, գերեզմանները եւ արցախահայերի սեփականությունը: Մարդիկ դռները փակել եւ դուրս են եկել՝ իրենց հետ գրեթե ոչինչ չբերելով:

Ներկայացրի Բաբվում մինչ օրս պահվող հայ ռազմագերիների, գերեզմանված քաղաքացիական անձանց շուտափույթ վերադարձի, անհետ կորածների որոնողական աշխատանքների վերսկսման անհրաժեշտությունը՝ որպես միջազգային իրավունքի անխախտելի պահանջ:



«Մեր տարածաշրջանում միջազգային իրավունքը չի գործում, քանի որ անգամ Արդարադատության միջազգային դատարանի կայացրած որոշումները մնացել են անկատար Ադրբեյջանի կողմից. պետք է միջազգային հանրությունը այս ուղղությամբ ջանքեր գործադրի»,- ամփոփեցի խոսքս՝ շնորհակալություն հայտնելով բարեկամական խմբի անդամներին իրենց աշխատանքի համար»:

ՉԻ ԽՈՒՄԱՓԵԼ ԲԱՆԱԿՑՈՒԹՅՈՒՆՆԵՐԻՑ

«Հայաստանը բազմիցս հայտարարել է, որ պատրաստ է Ադրբեյջանի հետ բանակցությունների». ինչպես տեղեկացնում է «Ժողովուրդ» օրաթերթը, լրագրողների հետ ճեպագրույցում այս մասին ասաց Ազգային ժողովի նախագահի տեղակալ

Հակոբ Արշակյանը՝ պատասխանելով հարցին, թե Ադրբեյջանը Հայաստանին կոչ է արել անցնել ուղիղ բանակցությունների, արդյոք պատրաստ է Երեւանը ուղիղ բանակցությունների:

«Հայաստանը բազմիցս հայտարարել է, որ պատրաստ է բանակցությունների: Ավելին՝ փոխանակվում են խաղաղության պայմանագրերի տարբեր նախագծեր: Դրա մասին մեր Արտաքին գործերի նախարարությունն անընդհատ մեկնաբանություններ է տալիս նորություններ լինելու դեպքում: Եթե առաջարկներով փաստաթուղթ է ուղարկվում Երեւան, Երեւանից առաջարկներով փոխանցվում Բաքու, դա ի՞նչ է, եթե ոչ բանակցություն»,- ասաց Արշակյանը: ԱԺ նախագահի տեղակալն ընդգծեց՝ Հայաստանը բանակցություններից երբեք չի խուսափել եւ մասնակցել է բանակցություններին այն հարթակներում, որոնք արդյունավետ է համարել:

ՄԱՆՐԱՄԱՍՆԵՐ

ԱՐՅԱՆԻ ԵՏԱԲԸ ՉԻ՞ ԳՈՐԾՈՒՄ

ԱԼԻԵՎԻ ՄԵՂԱԳՐԱՆՔՆԵՐԸ՝ ՖՐԱՆՍԻԱՅԻՆ

«Մարդկության գաղութատիրական պատմության արյունալի հանցագործությունների մեծ մասը կատարել է Ֆրանսիան»,- ասվել է նոյեմբերի 21-ին «Ապագադրություն» կանանց ուժեղացում եւ զարգացում» թեմայով միջազգային համաժողովի մասնակիցներին ուղղված Ադրբեջանի Հանրապետության նախագահ Իլհամ Ալիևի ուղերձում (ինչպես հաղորդում է Trend-ը):

«Ֆրանսիան, որը օկուպացրել է Աֆրիկայի, Հարավարևելյան Ասիայի, Խաղաղ օվկիանոսի, Ատլանտյան եւ Հնդկական օվկիանոսների, Լատինական Ամերիկայի տասնյակ երկրներ, երկար տարիներ թալանել է նրանց հարստությունը եւ ստրկացրել նրանց ժողովրդին, այդ տարածքներում բազմաթիվ ռազմական հանցագործություններ են մարդկության դեմ հանցագործություններ է կատարել: Ջինված ուժերը ցեղասպանության են ենթարկել հարյուր հազարավոր խաղաղ բնակիչների իրենց ազգային պատկանելիության եւ կրոնական պատկանելիության պատճառով: Ստրուկների առետուրը, որով ակտիվորեն զբաղվում էր Ֆրանսիան, մարդկության պատմության ամենախայտառակ էջերից մեկն է: Միլիոնավոր աֆրիկացիներ դարձել են ֆրանսիական ստրկատիրական քաղաքականության զոհերը:

Ես կոնկրետ փաստերով բազմիցս թվարկել եմ Ֆրանսիայի կողմից իր օկուպացված երկրներում մարդկության դեմ ուղղված բազմաթիվ հանցագործությունները եւ վայրագությունները: Մի քանի միլիոն անմեղ մարդիկ, այդ թվում՝ կանայք եւ երեխաներ, սպանվել են Ֆրանսիայի կողմից Ալժիրում, Մարոկկոյում, Թունիսում, Մալիում, Ջիբութիում, Նիգերիայում, Չադում, Սենեգալում, Բենինում, Փղոսկրի Ափ, Կենտրոնական Աֆրիկյան Հանրապետություն, Գաբոն, Տոգո, Կամերուն, Կիեմունամ Միությունում: Ֆրանսիան նաեւ մեծապես պատասխանատու է 1994 թվականին Ռուանդայում ավելի քան 800,000 թուրքիների սպանության համար», - նշել է նա:

Ապա նա խոսել է Ֆրանսիայի ներկայիս քաղաքականության մասին եւ ասել, որ այդ երկիրը խախտում է կայունությունը տարածաշրջանում: «Ֆրանսիան վարում է ռազմատենչ քաղաքականություն՝ զինելով Հայաստանին, խրախուսելով ռեանձիստական ուժերին Հայաստանում եւ հող է նախապատրաստում մեր տարածաշրջանում նոր պատերազմներ սանձազերծելու համար: Միեւնույն ժամանակ, Ֆրանսիան չարաշահում է ՄԱԿ-ի Անվտանգության խորհրդի մշտական անդամի կարգավիճակը իր կողմնակալ քաղաքականությունը վարելու համար, աշխարհաքաղաքական ինտրիգներով է զբաղվում տարբեր տարածաշրջաններում եւ փորձում է օգտագործել արեւմտյան կազմակերպություններին՝ որպես պետությունների դեմ ճնշում գործադրելու միջոց», - նշել է նա:

Մեղսեմբերի 19-ից՝ արցախյան վերջին մարտական գործողություններից հետո, զրեթե 100 հազար եւ ավելի արցախցիներ բռնի տեղահանվեցին Հայաստան:

Տեղահանվածներից շատերը Հայաստանում ստացան աջակցություն՝ պետության կողմից հատկացված ֆինանսական միջոցների տեսքով: Արցախը կորցնելու հետ մեկտեղ կորցրեցին նաեւ պատմական եւ մշակութային այն արժեքները, որոնք հայ լինելու մեր ԴՆԹ-ն էին եւ Արցախում հայերի լինելու ապացույցը, հետքը:

Արցախցիների՝ Հայաստան գալուց հետո այստեղ նրանց օգնության համար ուղղորդում էին Արցախի տեղեկատվական շտաբ, որը գտնվում էր Երեւանում՝ Աբովյան 9 հասցեում:

«Ժողովուրդ» օրաթերթը նախկինում գրել էր. «Հերթեր՝ Արցախի օպերատիվ շտաբի դիմաց. արցախցիների դիմումները մնում են օդում կախված»: Օդում կախված դիմումները այդպես էլ պատասխան չստացան, քանի որ օրերս վերջնականապես փակվեց Արցախի տեղեկատվական շտաբը: Արցախցիները պատմում են, որ դիմումներ են ներկայացնում սոցիալական աջակցություն տանալու, կացարանի կամ այլ հարցերով, բայց իրենց դիմումներն այդպես էլ չեն ընդունում: Դրա փոխարեն՝ ուղորդում են մի կառույցից մյուսը, պատճառաբանում են, թե իրենց հերթը չի հասել, կամ էլ այդ հարցն իրենց տիրույթում չէ:

Շենքի պատին փակցված ցուցանակը, որը ուղղորդում էր քաղաքացիներին, թե որտեղ է գտնվում Արցախի տեղեկատվական շտաբը, հեռացվել է, եւ փակցված մնացել է միայն Արցախի դրոշմը: Այժմ արցախցիների եւ Արցախի կառավարության միջեւ կապը պահվում է միայն Հայաստանում Արցախի ներկայացուցչության միջոցով, որը գտնվում է Նաիրի Զարյան 17ա հասցեում:

ՕՐԿԱ ԽՃԱՆԿԱՐ

ԿՄԵԿՆԵՆ ԸՌՈՍ

Աժ փոխնախագահ Ռուբեն Ռուբինյանը եւ «Հայաստան» խմբակցության պատգամավոր Արմեն Ռուստամյանը դեկտեմբերի 3-6-ը կմեկնեն գործուղման Իտալիա:

«Ժողովուրդ» օրաթերթը Աժ-ից տեղեկացավ, որ Ռուբեն Ռուբինյանը եւ Արմեն Ռուստամյանը հռոմում միասին կմասնակցեն ԵԽԵԿ Մոնիթորինգի հանձնաժողովի նիստին:

Նրանց գործուղման հետ կապված ծախսերը՝ ճանապարհածախսը, օրապահիկը, ինչպես նաեւ գիշերավարձը, կկատարվեն պետությունից հաշվին:

ԳՆԴԱԿԸ՝ ՀԱՅԱՍՏԱՆԻ ԳԱՇՏՈՒՄ

Տարածաշրջանում ձեւավորված նոր իրողությունների շրջանակներում մենք որեւէ խոչընդոտ չենք տեսնում Հայաստանի եւ Ադրբեջանի միջեւ խաղաղության պայմանագրի ստորագրման համար:

Ինչպես հաղորդում է ԱՊՍ-ն, լրագրողներին ասել է Ադրբեջանի նախագահի օգնական Հիքմետ Յաշիեւը:

Նա նշել է, որ, բառախաղերի փոխարեն, շատ կարեւոր է, որ հայկական կող-



«Ժողովուրդ» օրաթերթը կապվեց Արցախի Հանրապետության Ազգային Ժողովի «Արդարություն» խմբակցության պատգամավոր Դավիթ Գալստյանի եւ Մետաքսե Հակոբյան հետ, նրանք տեղեկություն չունեին շտաբի փակման վերաբերյալ. «Ես ձեզնից եմ տեղեկանում, որ Արցախի շտաբը այլեւս չի գործում», - ասաց Մետաքսե Հակոբյանը:

Հավելենք նաեւ, որ 44-օրյա պատերազմի հանգամանքներն ուսումնասիրող ԱԺ քննիչ հանձնաժողովի նախագահ Անդրանիկ Քոչարյանը հրավեր է ուղարկել նաեւ Արցախի նախագահ Սամվել Շահրամանյանին. վերջինս համաձայնել է:

Սամվել Շահրամանյանին քննիչ հանձնաժողովը հրավիրել են ոչ թե որպես Արցախի նախագահի, այլ որպես 2018-2020 թվականների ընթացքում ԱԱԾ նախկին տնօրենի:

Հիշեցնենք նաեւ, որ վերջերս Արցախի ներկայացուցչության դիմաց լարված

իրավիճակ է եղել, որի ընթացքում արցախցիները պահանջել էին ԱՀ նախագահ Սամվել Շահրամանյանի հրաժարականը: Սամվել Շահրամանյանն էլ իր հերթին հայտարարել էր. «Արցախի Հանրապետությունը լուծարված չէ, ոչ մի փաստաթղթով չի կարող լուծարվել ժողովրդի կողմից ստեղծված հանրապետությունը: Սրան ես պատասխանը տալու եմ հանրային ձեռով, առաջիկայում ես այս բոլոր հարցերին անդրադառնալու եմ եւ այդ փաստաթղթին, եւ այն փաստաթղթին, որն ընդունվել է ռազմական գործողությունները կանգնեցնելու նպատակով:

Որեւէ մեկի մոտ թող կասկած չառաջանա, որ եթե մենք իմանայինք, որ մենք կարող ենք հարթել այդ ռազմական գործողություններում, մինչեւ վերջ կգնայինք:

Մենք խնայել ենք մեր տղերքին, քաղաքացիական բնակչության կյանքը», - պնդեց նա:

ՀԱՅՏԱՐԱՐՈՒԹՅՈՒՆ՝ ԸՆԴԳԵՄ ԱՄՆ-Ի

Ադրբեջանի խորհրդարանում ստեղծված հանձնաժողովը հայտարարություն է պատրաստել ԱՄՆ-ի դեմ:

Միլի մեջլիսի նիստում խոսակ Սահիբա Գաֆարովայի առաջարկով հայտարարության ընդունման համար ստեղծվել է հանձնաժողով: Այն գլխավորել է Զիյաֆե Աքբերովը, հանձնաժողովի անդամներ են դարձել Սամեդ Սեիդովը, Թուրալ Գյանջալիեւը, Հուրրաթ Հասանղուլիեւը, Քյամիլա Ալիեւան եւ Թամամ Զաֆարովան: Ադրբեջանի խորհրդարանի ընդունած հայտարարությունում նշված է. «Միլի մեջլիսը վճռականորեն մերժում է ԱՄՆ Սենատում ընդունված ակտը՝ ընդդեմ Ադրբեջանի, եւ այն համարում է լուրջ հարված երկու երկրների միջեւ հարաբերություններին: Դա լուրջ խոչընդոտ է ստեղծում տարածաշրջանում խաղաղության հաստատման ջանքերի համար: ԱՄՆ Սենատի ընդունած ակտը երկակի

չափորոշիչների եւ ընտրովի վերաբերմունքի վառ օրինակ է: Երբ Հայաստանն ընդլայնեց օկուպացիան Ադրբեջանի դեմ, կատարվեցին խոչալուի ցեղասպանությունն ու արդրեջանցի բնակչության զանգվածային սպանությունները: Որպես ՄԱԿ Անվտանգության խորհրդի մշտական անդամ՝ չփորձեցիք կանխել այդ գործողությունները, հակառակը, ընդունեցիք 907-րդ լրացումը Ադրբեջանի դեմ: Արդյունքում ԱՄՆ ֆինանսական աջակցությունն օգնեց Հայաստանին օկուպացնել արդրեջանական հողերը:

Ամերիկայի Միացյալ Նահանգներն աջակցել է անջատողական ռեժիմին, որն ստեղծվել էր Ադրբեջանի տարածքում: ԱՄՆ ներկա գործողությունները, որպես միջնորդի, հանգեցրել են նրա հեղինակության կորստին Ադրբեջանում: ԱՄՆ արտաքին քաղաքականությունը վերջին տարիներին լիակատար ձախողման է ենթարկվել: Այս առումով պետք է հատկապես նշել քաղաքականությունը Մերձավոր Արեւելքում եւ Աֆղանստանում: Ադրբեջանի Միլի մեջլիսը մեկ անգամ եւս հայտարարում է, որ Ադրբեջանը, հենվելով միջազգային իրավունքի սրմբերի եւ սկզբունքների վրա, միշտ վճռական կարծազանքի բոլոր բացասական քայլերին»:

Քննարկումներից հետո հայտարարությունը դրվեց քվեարկության եւ ընդունվեց:

ՀԱՍԱՐԱԿՈՒԹՅՈՒՆ

ՄԱՐԶ

ԽԱՆՏԵԼ Է ԺԱՄԿԵՏԸ

Տավուշի մարզպետ Յայլ Ղալուբյանը, հոկտեմբերի 25-ին հանդիպելով մարզում պետությունից միջոցներով, ինչպես նաև սուբվենցիոն ծրագրերով աշխատանքներ իրականացնող շինարարական կազմակերպությունների ղեկավարների հետ, նրանց հորդորել է հնարավորինս պահպանել պայմանագրերի ժամկետները, ինչպես նաև ուշադրության կենտրոնում պահել շինաշխատանքների որակը: Մարզպետին «Ժողովուրդ» օրաթերթը հարցրել է, թե մարզում պետությունից միջոցներով, ինչպես նաև սուբվենցիոն ծրագրերով իրականացվող որ պայմանագրերի ժամկետներն են խախտվել, որ կազմակերպություններն են իրականացնում այդ ծրագրերը, ծրագրի ավարտի ժամկետը խախտելու համար օրենքով ինչ պատասխանատվություն է սահմանված:

Մարզպետը պատասխանել է. «ՀՀ Տավուշի մարզում պետությունից միջոցներով, ինչպես նաև սուբվենցիոն ծրագրերով աշխատանքներ իրականացնող շինարարական կազմակերպությունների կողմից խախտվել է Բագրատաշենի մշակույթի տան վերանորոգման աշխատանքների կատարման ժամկետը «Պողոսյան շին» ՍՊԸ կողմից, սակայն դիտորդությունից հետո շինարարը արդեն իսկ վերացրել է բացթողումները: Տույժ պատվիրատու հանդիսացող Նոյեմբերյան համայնքի կողմից չի կիրառվել»:

ԱՇԽԱՏՈՂՆԵՐԸ ԳԺԳՈՂՈՒՄ ԵՆ

Բերդ համայնքի սննդի օբյեկտների աշխատողները «Ժողովուրդ» օրաթերթին դժգոհել են, որ իրենք ստիպված են 6 ամիսը մեկ թարմացնել իրենց սանիտարական գրքուկները, դրա համար նրանք հարկադրված են սահմանագույնով մոտ 70 կմ ճանապարհ անցնել և Տավուշի մարզկենտրոն Իջեան քաղաքում լաբորատոր ուսումնասիրության համար նմուշներ ներկայացնել: Սննդի օբյեկտների աշխատողներն ասացին, որ նախկինում իրենց նման պահանջ չէր ներկայացվում: Զուրջ մեկ տարի է, որ իրենք ստիպված են ժամանակ և գումարներ ծախսելով Տավուշի մարզկենտրոն մեկնել: Տարիներ առաջ մարզի Նոյեմբերյանի, Բերդի և Դիլիջանի տարածաշրջանների «սանէպիդկայանները» կառուցվածքային փոփոխությունների ենթարկվեցին, դրանց գործառնությունները և աշխատակիցների թիվը կրճատվեցին, այդ աշխատանքային գործառնությունների մեծ մասը փոխանցվեց Հիգիենիկ և հակահամաճարակային տեսչության Տավուշի մարզային տարածքային կենտրոնին: Վերջին ժամանակաշրջանում սննդի անվտանգության պետական տեսչությունը հետամուտ է օրենքի կիրարկմանը, որպեսզի Տավուշի մարզի տարածաշրջանների սննդի օբյեկտների աշխատողները Իջեանի առողջության առաջնային պահպանման կենտրոնում բակտերիոլոգիական հետազոտության համար նմուշներ հանձնեն: Դա արվում է այն նպատակով, որ սննդի օբյեկտների աշխատողների մեջ ինֆեկցիոն հիվանդությունները բացառվեն:

ՆՍՎՆ ՄԱՐԶՅԱՆ Տավուշ

ՆԱԽԱԶԵՌՆԵԼ ԵՆ

ԱՐՑԱԽՅԻՆԵՐԻ ՀԱՄԱՐ ՏՆԵՐ ԵՆ ԿԱՌՈՒՑՈՒՄ

«Գորիս բարեկարգում» ՀՈԱԿ-ի և ամերիկահայ երիտասարդների նախաձեռնությամբ Գորիսում արցախցիների համար տներ են կառուցում:

Այս մասին «Ժողովուրդ» օրաթերթի հետ զրույցում ասել է Գորիսի համայնքի ղեկավարի տեղակալ Իրինա Յոլյանը:

«Համայնքի ղեկավարի հանձնարարականով՝ քարտեզագրվել են համայնքային ենթակառուցվածքի շինությունները, անբնակ տները, որոնք այս պահին լքված են, բայց ենթակա են վերակառուցման: Համագործակցելով ամերիկահայ երիտասարդ բարեկամների հետ՝ փորձում ենք այդ տները վերակառուցել և տրամադրել Արցախից բռնի տեղահանված մեր հայրենակիցներին: Այս պահին 2 տան շինարարական աշխատանքներ են ընթանում, որոնց ավարտը նախատեսված է մինչև գարուն:

Թիրախային ընտրել ենք բազմազանակ և առավել խոցելի պայմաններում գտնվող ընտանիքներին»,- մանրամասնում է Գորիս համայնքի ղեկավարի տեղակալ Իրինա Յոլյանը:

Նրա խոսքով՝ շինարարական աշխատանքներն իրականացվում են Գորիս համայնքի կողմից, իսկ ներսի բարեկարգման աշխատանքների ծախսերը հոգում են ամերիկահայ բարերարները:

Շինարարական աշխատանքներին այս պահին անմիջական մասնակցում են նաև երիտասարդ բարերարներից Գարեն Բաբեխանյան և Զարեհ Թումանյանը:

«Այլ մարդկանց հետ քննարկումներ ենք կատարում նաև երեք տան շուրջ: Նա-



խատեսված է եւս 2 շենք վերակառուցել, որը հնարավորություն կտա տեղավորելու շուրջ 50 ընտանիքի, եւ քանի որ Գորիս համայնքն ունի փորձ սոցիալական շենքեր կառուցելու, մտածում ենք նաեւ հետագայում կառուցել սոցիալական շենքեր՝ բռնի տեղահանված արցախցիների համար»,- նշում է Յոլյանը:

ջիններիս տրամադրվել են հողատարածք եւ շէրմոցներ գյուղատնտեսությամբ զբաղվելու համար:

«2023թ. սեպտեմբերյան վերջին իրադարձություններից հետո Գորիսում հաստատվել է շուրջ 2000 բռնի տեղահանված արցախցի: Շատերը բնակվում են վարձով, մի մասը՝ բարեկամի տանը, իսկ մի մասն էլ՝ հյուրանոցներում, որոնք փորձում են գտնել վարձով բնակարաններ, քանի որ հյուրանոցների միջոցները եւս սպառվում են»,- ասել է Իրինա Յոլյանը:

Համայնքի ղեկավարի տեղակալի խոսքով՝ գորիսցիների ջանքերով Բարձրավանում երկու բազմազանակ ընտանիքի անվճար բնակարան է հատկացվել: Վեր-

ՄԵՎ ՈՒՐԲԱԾ

ԽՈՐԱՄԱՆԿՈՒԹՅՈՒՆՆԵՐ՝ ՏՆՏԵՍՎԱՐՈՂՆԵՐԻՑ

Մեւ ուրբաթը տեղի է ունենում ԱՄՆ-ում Գոնաբանության տնօրէն ուրբաթ օրը: Գրանցի սկսվում է ավանդական Ամառնորի գեղջերի տնավաճառը: Մեւ ուրբաթ կազմակերպելու ավանդույթը հաստատվել է դեռեւս 19-րդ դարում, իսկ տեւմինը՝ «Մեւ ուրբաթ», հայտնվել է 1966 թվականին և օգտագործվում էր հիմնականում ԱՄՆ-ի արեւելյան մասում:

Ըստ ավանդույթի՝ Մեւ ուրբաթին հաջորդող իրադարձությունը Կիբեռ երկուշաբթին է, որի ընթացքում IT-ընկերությունների մեծ մասը գեղջեր են առաջարկում, իսկ վերջերս գեղջերը սկսել են տարածվել նաեւ այլ ոլորտների վրա: Հայաստանում նախորդ տարի սահմանված պահանջները խախտելու համար Մեւ ուրբաթի եւ Ամանորի գեղջերի ժամանակ Տնտեսական մրցակցության պաշտպանության հանձնաժողովը վարույթ է հարուցել 35 տնտեսվարողների նկատմամբ, որոնք տուգանվել են 100 մլն դրամի չափով:

Մրցակցության պաշտպանության հանձնաժողովի անդամ Տիգրան Մարկոսյանը օրեր առաջ հայտնել էր. «Օրենսդրորեն հստակ պահանջ կունկրետ առեւտրի օբեկտում հայտարարված առավելագույն գեղջի չափով ակցիայի մեկնարկին պետք է լինի մեկ հինգերորդի չափով այդ հայտարարությանը համապատասխան գեղջ»,-ասաց Մարկոսյանը: Նա հավելել էր նաեւ, որ փորձով է



ապացուցված, որ մենք ակցիաների, այդ թվում՝ գեղջերի իրականացման ոլորտում ունենք բազում խնդիրներ, մասնավորապես՝ երբ որեւէ գնային փոփոխություն տեղի չէր ունենում գեղջի ժամանակ, շատ դեպքերում արհեստականորեն գիւր բարձրացնում էին եւ այլն: Այս խնդիրները հավաքագրվել են Մրցակցության պաշտպանության հանձնաժողովի կողմից:

Արդյունքում որոշել են խնդիրները լուծել՝ օրենսդրական մակարդակում կարգավորումներ նախաձեռնելով: Հանձնա-

ժողովի մշակած «Առեւտրի եւ ծառայությունների մասին» օրենքն ուժի մեջ է մտել 2022 թվականի հուլիսի 31-ից: «Ժողովուրդ» օրաթերթը այս առիթով խոսել է մանր եւ միջին բիզնեսի իրավապաշտպան Սամսոն Գրիգորյանի հետ, որը մեզ հետ զրույցում նշեց, որ համաձայն է այն որոշման հետ, որը կայացրել է ՏՄՊԳՅ-ն, եւ հավելեց, որ Մեւ ուրբաթն Ռայաստանում «քնած փողերը» արթնացնում է:

Հիշեցնենք նաեւ, որ այս տարի Մեւ ուրբաթ Ռայաստանում կանցկացվի Նոյեմբերի 24-ին:

● Անցած 1 օրվա ընթացքում Հայաստանի Հանրապետությունում արձանագրվել է 14 ՃՏՊ. 17 մարդ ստացել է տարբեր աստիճանի մարմնական վնասվածքներ:

ՀԱՅՏՆԵԼ Է

ՕՆԼԱՅՆ ԸՈՒԿԱՆ ՈՒ ՀԱՃԱԽՈՐԴՆԵՐԸ

Եթե շուկաների կարգավորման մասին օրինագիծն ընդունվի, օնլայն առևտրով զբաղվող կայքերը ստիպված կլինեն գալիք տարվա համար ավելացնել վաճառողների և միջնորդների միջնորդավճարները, ինչը նույնպես կազդի ապրանքների ինքնարժեքի վրա...

Ռիսկերի մասին զգուշացրել են նաև Wildberries-ի, Yandex.Market-ի, AliExpress-ի, ինչպես նաև ապրանքների արտադրողների ու մատակարարների ներկայացուցիչները: Նրանց ամենամեծ մտահոգությունը պայմանագրերի պայմանները տարին մեկից ավելի անգամ փոխելն է:

«Ոչ մի բիզնես չի կարող գործել տարին մեկ անգամ գներ ֆիքսելով: Բոլորս էլ գիտենք, թե ինչ արդյունք է տալիս, երբ գները սահմանափակվում են, եւ դրվում են դրանք փոխելու արգելքներ: Բոլոր շուկաների առաջին արձագանքը կլինի միանգամից մեկ տարվա համար ուժեղացված սակագրեր սահմանելը», - պարզաբանել է Միևաերը:

Yandex E-Commerce Services-ի պետական մարմինների հետ փոխգործակցության փոխտնօրեն Տատյանա Չիբեգովան Նշել է, որ վաճառողներին եւ առևտրի կետերի սեփականատերերին տուգանելու արգելքը, ինչպես նաև անձնական հաշիվների արգելափակումը կարող է հանգեցնել շուկայում կեղծիքների հայտնվելուն: Նշենք, որ նոր օրենքը Պետդոմա է ներկայացվել 2023 թվականի սեպտեմբերի 25-ին: Խորհրդարանականները Նշել են, որ շուկաների սեփականատերերից պետք է պահանջվի կայքում հրապարակել բաց տվյալներ՝ պայմանների վերաբերյալ:

Գործարքի պարամետրերը կարող են փոփոխվել, բայց ոչ ավելի, քան տարին մեկ անգամ: Կողմերը պետք է տեղեկացնեն պայմանագրի դրույթները փոխելու իրենց ցանկության մասին պայմանագրի ժամկետի ավարտից առնվազն 30 օրացուցային օր առաջ: Պատգամավորները նաև առաջարկել են արգելել շուկայի սեփականատերերին սահմանափակել մուտքը վաճառողների անձնական հաշիվներ:

Հավելենք նաև, որ այս պահին Wildberries-ում տեխնիկական խափանումներ են ինչպես բջջային հավելվածում, այնպես էլ վեբ տարբերակում հայտնում է «ՌԻԱ Նովուստի»-ի թղթակիցը:

Երբ փորձում եք որևէ ապրանք գտնել, հայտնվում է «Ոչինչ չի գտնվել: Մենք ունենք 80 միլիոն ապրանք, բայց դրանցից ոչ մեկը չի համապատասխանում այս պահանջին» գրությունը:

Բացի այդ, օգտատերերը նաև դժգոհում են, որ արդեն իսկ զամբյուղում ավելացված ապրանքներն անհասանելի են դարձել: Wildberries-ից «ՌԻԱ Նովուստի»-ին ասել են, որ իրենք տեղում տեխնիկական խափանում են հայտնաբերել եւ աշխատում են ծառայության արագ վերականգնման ուղղությամբ:

ՀԱՅՏԱՐԱՐԱԳՐԵԼ Է

ՔՊ-ԱԿԱՆ ՊԱՏԳԱՄԱՎՈՐԻ ՈՒՆԵՑՎԱԾՔԸ

«Ժողովուրդ» օրաթերթը հրատարակել էր ցանկ, թե ովքեր են այն ՔՊ-ականները, որոնք հեղափոխությունից հետո ասես են դարձել: Նրանցից մեկն էլ Գայանե Եղիազարյանն է: Ազգային ժողովի «Քաղաքացիական դայմանագիր» խմբակցության դասգամավոր Գայանե Եղիազարյանը քաղաքական դաս էր եկել 2018 թվականի հեղափոխությունից հետո: 2018 թվականին «Իմ քայլը» խմբակցության համամասնական ցուցակով Եղիազարյանը ընտրվել է Երևանի ավագանու անդամ: 2022 թվականի մայիսին Ազգային ժողովի դասգամավոր Անուշ Բեղլոյանի մանդատը վայր դնելուց հետո նրան փոխարինեց Գայանե Եղիազարյանը:



Հենց այդ տարի, երբ պատգամավորի եկամուտները աճեցին, Եղիազարյանը Երևան քաղաքում բաժնային սեփականության իրավունքով բազմաբնակարան շենքում բնակարան գնեց: Բնակարանը ձեռք է բերել 36 մլն դրամով, իսկ գործարքի մյուս կողմը եղել է Երեւանի քաղաքապետարանը:

Նրա բանկային հաշիվների մնացորդները կազմել են 530 հազար դրամ, էլեկտրոնային հաշիվները եւ կրիպտոարժույթները կազմել են 5 հազար դրամ: Կանխիկ դրամական միջոցները կազմել են 2 մլն դրամ: Հաշվետու տարվա եկամուտները ընդհանուր հաշվարկով ներկայացված է 5 մլ 720 հազար դրամ, որից 5 մլն 27 հազար

ը Ազգային ժողովից ստացած աշխատանքի վարձատրությունն է: Եղիազարյանը եկամուտ է ստացել նաև «Քաղաքացիական պայմանագիր» կուսակցությունից 522 հազար դրամ, իսկ 170 հազարը վարել է «Յունիբանկ»-ից եւ «Հայէկոնոմբանկ»-ից: Նրա ստացված վարկերի եւ

փոխառությունների մայր գումարի մնացորդը հաշվետու տարվա դեկտեմբերի 31-ի դրությամբ կազմել է 240 հազար դրամ: Գայանե Եղիազարյանի հետ համատեղ բնակվող Տիգրան Խիդիրյանը հայտարարագիր չի ներկայացրել:

ԷՄՄԱ ՄԻՔԱՅԵԼՅԱՆ

Team

ԳՐԱՎԻՉ ԱՌԱՋԱՐԿ՝ ՎԱՐՈՐԴՆԵՐԻՆ

Team Telecom Armenia-ն եւ Visa-ն գրավիչ առաջարկ են ներկայացնում էլեկտրական մեքենաների վարորդների համար. Team Energy էլեկտրական մեքենաների լիցքավորման կայաններում վճարումը Visa ֆաբրիկ կասարելիս հաճախորդից կգանձվի գումարի 50%, իսկ մնացած կեսը կհասուցվի Visa-ի կողմից:



միջոցով, իսկ Team Telecom Armenia-ի բաժանորդ լինելու դեպքում՝ նաև Team-ի հեռախոսահամարի հաշվեկշիռից:

Team Telecom Armenia-ի մասին Team Telecom Armenia-ն 33 տարածքում տրամադրում է բջջային եւ ֆիքսված ինտերնետի, թվային հեռուստատեսության, բջջային եւ ֆիքսված հեռախոսակապի ծառայություններ: Ընկերությունը առաջին տեղեկումն է, որը հաջողությամբ իրականացրել է IPO Հայաստանում դառնալով էլ ավելի բաց ու հանրային: 2021 թվականից ընկերությունը սկսել է տարածաշրջանում եզակի՝ 25 Գբ/վ արագությամբ 25G-PON տեխնոլոգիայով NGN (Next Generation Network) ցանցի կառուցումը, որը կապահովի որակյալ ինտերնետով Հայաստանի բոլոր բնակիչներին:

Team Energy կայանների արագ եւ գերարագ AC ու DC լիցքավորիչները նախատեսված են բոլոր տեսակի էլեկտրական մեքենաների լիցքավորման համար: Դրանք տեղադրված են Երեւանում, մարզերում, ինչպես նաև հիմնական եւ միջպետական նշանակություն ունեցող ճանապարհներին: Գերարագ լիցքավորման DC կայանները ապահովում են մինչեւ 160 կՎժամ հզորություն:

Team Telecom Armenia-ի հետ այս համագործակցությունը օգուտ կբերի ինչպես մեր հաճախորդներին, այնպես էլ մոլորակին: Այս նախաձեռնությամբ Visa-ն Հայաստանում ընդլայնում է կայունության իր ջանքերը եւ ընդլայնում էլեկտրոնային գիտակցից հաճախորդների փորձը: Մենք հավատում ենք, որ ամբողջ աշխարհում անկանխիկ տնտեսություն վարելը ծառայում է մեր հաճախորդների եւ այն միջավայրի լավագույն շահերին, որտեղ մենք բոլորս ապրում ենք», - ասում է Կովկասում Visa տարածաշրջանային մենեջեր Դիանա Կիզուրաձեն:

«Team Energy-ն Team Telecom Armenia-ի հեռանկարային նախագծերից է, որը էլեկտրական մեքենայով տեղաշարժվելը Հայաստանում դարձնում է առավել հարմարավետ, իսկ Visa-ի մասնակցությամբ՝ էլ ավելի մատչելի: Սա Team-ի ու Visa-ի համագործակցության առաջին փորձը չէ. համատեղ ծրագրեր իրականացնում ենք 2021 թվականից՝ ձեւավորելով գործընկերային օրինակելի հարաբերություններ ի շահ մեր հաճախորդների», - Նշում է Team Telecom Armenia-ի գլխավոր տնօրեն Հայկ Եսայանը:

Առաջարկը գործում է Նոյեմբերի 16-ից մինչեւ դեկտեմբերի 31-ը ներառյալ: Team Energy հավելվածը հասանելի է App store-ում եւ Play market-ում: Այն հնարավորություն է տալիս գտնել մոտակա լիցքավորման կետերը, հեշտությամբ կատարել լիցքավորում եւ վճարել բանկային քարտի

Visa Inc.-ի մասին Visa-ն (NYSE: V) թվային վճարումների համաշխարհային առաջատարն է, որը հեշտացնում է գործարքները սպառողների, վաճառողների, ֆինանսական հաստատությունների եւ պետական կառույցների միջեւ ավելի քան 200 երկրներում եւ տարածքներում: Մեր առաքելությունն է կապել աշխարհը ամենանորարար, հարմար, հուսալի եւ անվտանգ վճարային ցանցի միջոցով՝ հնարավորություն տալով անհատներին, բիզնեսներին եւ տնտեսություններին բարգավաճել: Մենք հավատում ենք, որ տնտեսությունները, որոնք ընդգրկում են բոլորին ամենուրեք, նաև բարձրացնում են բոլորին եւ ամենուրեք, եւ կարծում ենք, որ ապագայում փողերի շարժի հիմքը հասանելիությունն է: Ավելին՝ Visa.com կայքում:

«Ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ՊԱՏՄՈՒՄ Է

ՀՈՒՆՆԵՐ՝ ԱՐՑԱԽՅԱՆ ՏԵՂԱՂԱՆՈՒՄԻՑ

«Շատ դժվար օրեր ենք քաշում բոլորս... Ես չեմ կարող ասել, որ այդ օրերին մենք ապրել ենք, կարող եմ միայն ասել, որ գոյություն ենք ապահովել...»



Երկու օր ապաստարանում անցկացնելուց հետո միայն Սրբուհին հավաքեց իր առաջնային իրերը: Ինչպես նա է պատմում, շատ բան չի էլ վերցրել, ասում է. «Սիրտս չէր գնում տան իրերս բաժանաբաժան անել...»: Տեղից ոչինչ չի վերցրել, միայն անձնական իրեր է երեխաների համար մի քանի շոր:

կա, այնտեղ: Մի քիչ հանգստացանք՝ հույս ունենալով, որ կստիպենք էլի նահանջել թշնամուն, սակայն դրան հաջորդեց այն հայտարարությունը, որ, ըստ շրջանների, պետք է լքենք Արցախը: Մեզ տեղափոխեցին 23-ին վերադարձավ ամուսինս, իսկ սեպտեմբերի 27-ին դուրս եկանք Ստեփանակերտից: Ամբողջ ճանապարհին աղոթել եմ, որ ողջ-առողջ անցնենք Հակարին», - վերհիշում է մեր գրուցակիցը:

«Օրեր էին լինում հերթերից դափ-դատարկ էինք վերադառնում: Համարյա ոչինչ չկար, իսկ եղածից էլ շատ բան չէինք կարող գնել. թանկ էին: Ձգտում էինք գոնե երեխաների ամենօրյա հացն ապահովել, որ սոված չմնան: Ես էի ազատ՝ ես էի հերթ կանգնում, ամուսինս էր ազատ՝ ամուսինս էր կանգնում: Այդպես իրար օգնելով՝ հերթում օրեր էինք գլորում: Դժվար էր, բայց հուսահատություն չկար մարդկանց մոտ: Դեռ շատերս համոզված ասում էինք՝ որ այսքան երկար է ձգվում, ուրեմն վերջում լավ է լինելու», - պատմում է Սրբուհին:

Սրբուհին ամուսնու եւ երեք երեխաների հետ ապրել է Մարտունու շրջանի Նոր Շեն գյուղում ամուսնու մեծ ընտանիքի հետ: Գյուղում աշխատանք չգտնելու պատճառով տեղափոխվել էին Ստեփանակերտ:

«Ամուսինս ծառայությունից հետո համարել է Պաշտպանության բանակի սպայական շարքը: Ծառայում էր Ստեփանակերտի «Յոր» զորամասում: Որպեսզի ամեն օր երկար ճանապարհ չկտրի Ստեփանակերտ հասնելու համար, տուն վարձեցինք եւ տեղափոխվեցինք Ստեփանակերտ: Մասնակցել է բառօրյա, 44-օրյա եւ այս վերջին պատերազմին: Ուղիղ 19 տարի ծառայել է ՊԲ-ում եւ երբեք ոչինչ չի պատմել առաջնագծից՝ թե՛ լավ, թե՛ վատ: Տեղյակ չէի՝ ինչ իրավիճակ է այնտեղ, եւ երբ ասում էի՝ պատերազմ էլ չի լինի, ասում էր, որ պատերազմը դեռ չի ավարտվել: Անկեղծ, ես պատերազմին չէի սպասում...», - ասում է Սրբուհին:

ՊԱՅԹՅՈՒՆ

ՆԵՒՍՈՒՆՆ ԱՐԴԵՆ ՏԱՆՆ Է

Սեպտեմբերի 25-ին Ասկերանի օրջանում զսնվող վառելիքի դաշտում տեղի ունեցած դրամային հետազոտվող դաշտում տեղի է ունեցել 290 մարդ: Պայքարի վայրում էր մահ 17-ամյա Նելսոն Մարգարյանը իր հոր՝ Ասոս Մարգարյանի հետ:

մեր ձեռքերը: Շատ մարդ կար այդ վիճակում», - մեզ հետ զրույցում նշում է Նելսոնը:

Սեպտեմբերի 19-ի մարտական գործողությունների հետեւանքով Սարգսյանների ընտանիքը նույնպես ստիպված լքեց իրենց տունը. թշնամին արդեն իրենց թաղամասում էր: Մի քանի օր անց, երբ սկսվեց բնակչության տարահանումը, լսելով, որ Ասկերանի շրջանում գտնվող վառելիքի դաշտում բեռնակա, շտապեցին այդ տարածք անհրաժեշտ վառելիքը գտնելու եւ ընտանիքը Հայաստանի Հանրապետություն տեղափոխելու նպատակով:

«Ամուսինս երեխայի հետ գնաց բեռնակա հետեւից, ավտոբուսներով տեղափոխվելը չէր ստացվում: Մորաքրոջ որդին ասել էր, որ իր ընկերոջ մեքենան կարող է վերցնել եւ երեխաներին տեղափոխել: Երեխայի հետ գնաց, որ բեռնակա վերցնի, ես չէի էլ իմացել, որ գնացել են Հայկազով, ասաց «Ֆլեշ»-ում ենք, էսա կվերցնենք ու կգանք: Ժամը 5-ն անց էր, գանգեցինք, ասացինք՝ ուր եք մնացել, ինչու չեք գալիս, ասաց՝ բեռնակա պայթել է, վառվել ենք, ես, Նելսոնս ռուսների մոտ

ենք: Վախեցած վազեցինք դուրս, մեքենա չկար, մի կին իր երեխայի հետ պատրաստվում էր գալ Հայաստան, իրերի մոտ մեզ խոսեցրեցին, գնացինք ռուսների մոտ: Չէին թողնում մենք տեսնելիք, փեսայից էլ տեղեկություն չկար: Գնացինք պայթյունի տեղը, թուրս կանչում էր՝ Արթուր, Արթուր, մենք էլ նայում էինք, չկար: Մենք էլ գնացինք հիվանդանոց, մանկական հիվանդանոց ենք գնացել, ամեն տեղ նայել՝ դիտարկում, Արթուրին չենք գտել: Մինչեւ հիմա չենք գտել, անհայտ է: Մեկ ամսից ավել է, Նելսոնը հիվանդանոցում էր, մի քանի օր առաջ ենք եկել, շաբաթը երկու անգամ տանում ենք վիրակապելու: Քույրս է այս տունը վարձել, իմ աղջիկներին էլ հետը պահել, ամուսինս հիվանդանոցում 9 օր է մնացել, մահացել: Հիմա միայն ես եմ երեխաների հետ, չգիտեմ ոնց պիտի աշխատեմ ես անձանթ տեղը, Նելսոնը վիրահատություն ունի, վիրակապելու պիտի տանենք: Միակ խնդրանքս, որ գոնե օգնեն տնով, որ կարողանամ երեխաներիս հավաքեմ, մի կերպ պահեմ մինչեւ...», - եզրափակում է Լիլիա Մարգարյանը՝ Նելսոնի մայրիկը:

ՍՊՈՐՏ

ԲՐՈՆՉԵ ՄԵԴԱԼ՝ ԸՆԹԱՏՈՒՄ

Հայաստանի շախմատի տղամարդկանց ընտրանին դարձել է Եվրոպայի թիմային առաջնության բրոնզե մեդալակիր: «Փողովուրդ» օրաթերթի հաղորդմամբ՝ Չեռնոգորիայի Բուդվա քաղաքում ընթացող առաջնության վերջին տուրում Հայաստանի տղամարդկանց թիմը մրցեց Անգլիայի հետ եւ առավելության հասավ 2,5-1,5 հաշվով:

Ուտրանու կազմում հաղթանակ տուներ Շանթ Սարգսյանը՝ պարտության մատնելով Մայքլ Ադամսին: Հայկ Մարտիրոսյանը, Գաբրիել Սարգսյանը եւ Սամվել Տեր-Սահակյանը ոչ-ոքի ավարտեցին պարտիաները: Հայաստանի տղամարդկանց թիմը մրցաշարային աղյուսակում զբաղեցրեց 3-րդ հորիզոնականը: Առաջին եւ երկրորդ տեղերում հաջորդաբար Սերբիայի եւ Գերմանիայի թիմերն են:

ԱԶԱԿՑՈՒԹՅՈՒՆ ԵՆ ՀԱՅՏՆԵԼ

Մարտի 1-ի «Ռեալի» իսպանացի խաղացողներ պաշտպան Դանիել Կարվախալն ու հարձակվող Խոսե Լուիս Կոստանան անցանքում արած գրանուներով աջակցություն են հայտնել «Բարսելոնայի» եւ Իսպանիայի հավաքականի 19-ամյա կիսապաշտպան Գավիին, որը ծնկի ծանր վնասվածք է ստացել Վրաստանի թիմի դեմ «Եվրո-2024»-ի ընտրական մրցաշարի վերջին տուրի խաղում (3:1) եւ բաց կթողնի առնվազն կես տարի:

«Մրցակիցներ են գործընկերներ ենք, բայց առաջին հերթին մարդ ենք: Դու կվերադառնաս ավելի ուժեղ, իմ ընկեր: Հաջողություն եմ մտադրում քեզ», - գրել է Կարվախալը:

«Այս հաղթանակը պարտությունից վատ էր: Դու ֆանտաստիկ տղա ես, որը խիզախությամբ կհաղթահարի այս իրավիճակը: Չտխրես: Բոլորս քեզ աջակցում ենք», - գրել է Խոսե Լուիսը:

Գավին ստացել էր աջ ծնկի խաչածե կապանների եւ արտաքին մենիսկի պատռվածք: Նա կվիրահատվի:

Ութսուցիկ մրցաշրջանում Գավին «Բարսելոնայի» հետ մասնակցել է 15 հանդիպման, խփել է 2 գոլ, կատարել 1 գոլային փոխանցում:

ԿԵՐԿԱՐԱՉԳԻ ՊԱՅՄԱՆԱԳԻՐԸ

Վրաստանի հավաքականի եւ Իտալիայի չեմպիոն «Նապոլի» 22-ամյա կիսապաշտպան Խավիյա Կվարացիելիան կերկարաձգի պայմանագիրը Նեապոլյան ակումբի հետ մինչեւ 2028թ. հունիս. հաղորդում է twitter.com/NicoSchira-ն:

Կվարացիելիայի աշխատավարձը կբարձրանա եւ կկազմի տարեկան 4 միլիոն եվրո: Կնախատեսվի նաեւ պայմանագիրը մինչեւ 2029 թվական երկարաձգելու հնարավորություն:

Կվարացիելիան «Նապոլիին» միացել է 2022թ. հուլիսին: Նրա գործող պայմանագիրը նախատեսված է մինչեւ 2027թ. հունիս:

Իտալիայի ընթացիկ առաջնությունում Կվարացիելիան մասնակցել է 11 հանդիպման, խփել է 3 գոլ, կատարել 3 գոլային փոխանցում:

● Նոյեմբերի 23-ին Գ. Սունդուկյանի անվան ազգային ակադեմիական թատրոնում տեղի կունենա «Մեծապատիվ մուրացկաններ» ներկայացումը: Տոմսերի արժեքը՝ 1000-3000 դրամ:



Էջը՝ ՄԱՐԻԱՍ ՂԱԶԱՐՅԱՆԻ

ԻՐԱՎՈՒՆՔ

ՀԱՐՑ. Ի՞նչ փաստաթղթեր են անհրաժեշտ 1-ին անգամ հիփոթեքային վարկի տնօրենների չափով եկամտահարկի գումարների վերադարձման համար:

Հասնիկ Գեղամյան (29 տարեկան)



ՊԱՏԱՍԽԱՆ.

Հիփոթեքային վարկի վճարված տոկոսների չափով եկամտային հարկի գումարի վերադարձման ծրագրից առաջին անգամ օգտվողներն անհրաժեշտ փաստաթղթերը հարկային մարմին պետք է ներկայացնեն առձեռն կամ փոստով հայտնում են ՊԵԿ-ից:

Անհրաժեշտ է ներկայացնել ՀՀ հարկային օրենսգրքի 160-րդ հոդվածով սահմանված՝ եկամտային հարկի վերադարձից օգտվելու իրավունքի հաստատման հայտ: Հայտին կից վարկառուի կողմից հարկային մարմին են ներկայացվում հետևյալ փաստաթղթերը եւ դրանց լուսապատճենները՝

1. վարկառուի անձը հաստատող փաստաթուղթ,
2. վարկառուի հանրային ծառայությունների համարանիշ չունենալու մասին տեղեկանքի համարը, ՀՎՀՀ-ն (առկայության դեպքում),

3. հիփոթեքային վարկի տրամադրման պայմանագրի բնօրինակ կամ այդ պայմանագրի՝ նոտարական կարգով վավերացված պատճենը, հիփոթեքային վարկի պայմանագրի մարման ժամանակացույցը եւ հիփոթեքային պայմանագրի շրջանակներում ձեռք բերվող՝ գրավադրված գույքի սեփականության (կամ կառուցվող շենքից անշարժ գույք գնելու իրավունքի կամ գույքի կառուցապատման իրավունքի) պետական գրանցման վկայականը,

4. կառուցապատողի կողմից տրված տեղեկանք՝ բնակարանը կամ անհատական բնակելի տունն անմիջապես կառուցապատողից ձեռք բերված (բերվող) լինելու մասին, կամ անհատական բնակելի տան շինարարության թույլտվություն,

5. բնակարանի կամ անհատական բնակելի տան առուվաճառքի պայմանագիր կամ կառուցվող շենքից անշարժ գույք գնելու իրավունքի մասին կամ բնակարանի կառուցապատման իրավունքի ձեռք բերման պայմանագրի բնօրինակ:

ՀՀ պետական եկամուտների կոմիտե

«ԺՈՂՈՎՈՒՐԳ».

Պետական եկամուտների կոմիտեի կողմից եկամտային հարկի վերադարձից օգտվելու իրավունքի հայտի հաստատումից հետո անհրաժեշտ է գրանցվել «Անհատական հաշիվների տեղեկատվական պորտալ»-ում եւ ուղարկել էլեկտրոնային դիմումն ընդհանուր սահմանված կարգով: Էլեկտրոնային հարթակից օգտվելու քայլերի հաջորդականությունը ներկայացված է տեսաուղեցույցում: Վարկառուն, բացի էլեկտրոնային եղանակով ներկայացվող դիմումից, հարկային մարմին այլ փաստաթղթեր չի ներկայացնում:

ՍՈՑԻԱԼԱԿԱՆ

ՀԱՐՑ. Ինչպե՞ս է աշխատող կանանց սրամադրվում հղիության եւ ծննդաբերության արձակուրդ: Սյուզաննա Մարգարյան (24 տարեկան)



ՊԱՏԱՍԽԱՆ. Աշխատող կանանց տրամադրվում է հղիության եւ ծննդաբերության արձակուրդ՝ 140 օր (70 օր՝ հղիության, 70 օր՝ ծննդաբերության), 155 օր (70 օր՝ հղիության, 85 օր՝ ծննդաբերության)՝ բարդ ծննդաբերության (180 օր (70 օր՝ հղիության, 110 օր՝ ծննդաբերության)՝ միաժամանակ մեկից ավելի երեխաներ ունենալու դեպքում: Այդ արձակուրդը հաշվարկվում է միասին եւ կնոջը տրամադրվում է ամբողջությամբ: Ժամանակից շուտ ծննդաբերելու դեպքում հղիության արձակուրդի չօգտագործված օրերը գումարվում են ծննդաբերության արձակուրդի օրերին:

Նորածին որդեգրած կամ նորածնի խնամակալ նշանակված աշխատողին տրամադրվում է արձակուրդ՝ որդեգրելու կամ խնամակալ նշանակվելու օրվանից մինչեւ նորածնի 70 օրական (երկու եւ ավելի նորածին որդեգրելու կամ երկու եւ ավելի նորածնի խնամակալ նշանակվելու դեպքում՝ մինչեւ նորածինների 110 օրական) դառնալը:

Փոխնակ մոր միջոցով երեխա ունեցած աշխատողին (երեխայի կենսաբանական մորը) տրամադրվում է արձակուրդ երեխայի ծնվելու օրվանից մինչեւ նորածնի 70 օրական (երկու եւ ավելի նորածնի երեխա ծնվելու դեպքում՝ մինչեւ նորածինների 110 օրական) դառնալը:

ՀՀ աշխատանքի

եւ սոցիալական հարցերի նախարարություն

«ԺՈՂՈՎՈՒՐԳ».

Երեխային փաստացի խնամող ընտանիքի մոր (խորթ մոր), հոր (խորթ հոր) կամ խնամակալի ցանկությամբ տրամադրվում է երեխայի խնամքի արձակուրդ մինչեւ երեխայի երեք տարեկան դառնալը: Արձակուրդը վերցվում է ամբողջությամբ կամ մաս առ մաս: Նման իրավունք ունեցող աշխատողն այն կարող է ստանալ հերթականությամբ:

ԼՈՒՐ ԿԱԴՐ

Լուսանկարը՝ համացանցից



Լաս Վեգասում կայացած «Ֆորմուլա 1»-ի մրցավազքում Ռիհաննան ոտքին կրել է 400 հազար դոլար արժողությամբ Jacob & Co ժամացույցը:

Պատվերով պատրաստված ժամացույցը պատված է մոտ 70 կարատանոց կլոր եւ քառակուսի ադամանդներով:

Ժամացույցի թելնոցը զարդարված է երեք շարք ադամանդներով: Ժամացույցի պատյանը եւ թելնոցը պատրաստված են 18 կարատանոց սպիտակ ոսկուց:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել

«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Շողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից

«Շողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____


Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-2 - 7 +1 + 5
Կոտայքի լեռներ	-1 - 5 +1 + 4
Կոտայքի նախալեռներ	+1 + 3 +5 + 8
Գեղարքունիք	-2 + 7 +2 + 5
Լոռի	-4 + 1 +3 + 8
Տավուշ	-1 + 3 +5 + 9
Արագածոտնի լեռներ	-2 - 6 0 + 3
Արագածոտնի նախալեռներ	+1 + 3 +6 + 10

Արարատ	+4 + 7 +11 + 13
Արմավիր	+3 + 6 +11 + 13
Վայոց ձորի լեռներ	0 + 5 0 + 2
Վայոց ձորի նախալեռներ	+3 + 8 +11 + 3
Սյունիքի հովիտներ	+1 + 5 +8 + 12
Սյունիքի նախալեռներ	0 - 4 +2 + 6
ԼՂՀ	0 - 3 +3 + 7
Երեւան	+2 + 4 +9 + 11

Լրատվական գործունեություն իրականացնող՝ «Շողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 21.11.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում
խմբագրություն հանձնված նյութերը չեն գրայնաչափվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Շողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Շողովուրդ» օրաթերթի այսօրվա համարում»: